

التوت و ليس لديهم أي شعور بالحياء . بنات كل كلامهن سباب و ألفاظ ,

يندى لها جبين الرجال !! و الرجال لا يراعوا حرمة و لا دار , حين يغضبون

تنفجر أنهار البذاءة . مدججين بالسلاح ؛ يستحلون دماء اخوانهم في الشوارع كالانهار . في حين انهم لا يجدون اي جريمة أو عار في أن يستحل العدو اراضيهم او مقدساتهم , بل يساعدونه في قتل جيوش بلادهم و النيل من عرضها هل اقتربت نهاية العالم؟

أرى جيوشا قاتلت شعوبها , و شرطة عذبت مواطنيها , و أصبح حاميتها حراميها ! و اختلط الامر علي الشعب فلم يعد يعرف عدو من حبيب

هل اقتربت نهاية العالم؟

حتي الدول في زوال , الإقتصاد ينهار. الشعوب أصبحوا كلهم ثوار , الأخلاق طارت في مهب الريح , الدين أصبح كجمرة نار , لا يقوى أحد

على مسه و الجميع منه في انكار ,

هل اقتربت نهاية العالم؟

أري الجار لا يعرف الجار , و الابن يعق أبواه بكل اقتدار , بلا لحظة تردد أو تفكير , , حقا لقد مات الضمير ! يعق الابن و ينتظر ان يحيا بكل خير و ان يبره اولاده , او يضرب كفا بكف و يقول ؛ لم يعد في الدنيا خير

اقتربت نهاية العالم و أصبح الأخ لا يأمن أخوه و الابن لا يثق في أبوه و الزوجة لا تجد حزن الزوج يأويها و العمل غير موجود و الوطن بات مسلوب

عارف لما المنبه يرن عشان تقوم تروح شغلك و تفتح عينك الصبح و
يبقي نفسك تكمل نوم و مش فارق معاك الشغل، و تقعد
تفكر لمدة دقيقة أو أكثر تفكر اذا كان لازم تروح شغلك النهاردة و لا
تقدر تاخذ اجازة عارضة؟

عارف لما تقوم تلبس وتنزل بتجر رجلك جر للشغل، و مش طايق حد
يكلمك؟

عارف لما تبقي قاعد على مكتبك و كل شوية تبص في الساعة عشان
عايز تروح؟

عارف لما الاحساس دة يبقي بيتكرر كل يوم مش مرة و لا اتنين؟
ساعتها لازم تعيد التفكير في شغلك، أكيد في حاجة غلط :يا اما فيك يا
اما في الشغل!

لازم تفكر ازاي انتقل لك شعور موظفين الحكومة دة ، ازاي بعد ما
كنت هتموت علشان تشتغل، تحولت لموظف روتيني كدة ؟
ازاي بعد ما قعدت أول كام سنة في الشغل بتحاول تطور الشغل و تبدع
و عمال تحط خطط يمين وشمال و تقدمها للمديرين عشان
تطور الشغل، و بتشتغل كل ساعات العمل بنشاط و كمان بتكمل شغل
في البيت ! ازاي بعد كل دة اتحولت لموظف بارد مش
فارق معاه اي حاجة خالص غير أنه ما يترفدش عشان يفضل يقبض
أول كل شهر.

خلاص .. العلاقة بينك و بين الشغل بقت كدة !وصلت للمرحلة دي!
ساعتها لازم تقعد مع نفسك تفكر ازاي الوضع بينكم اتطور لكدة!
ارجع كدة بذاكرتك لورا و افكر:

شوية بشوية بطلت تحلم ، بطلت تقدم خطط ، و اقتراحات، بطلت تهتم
بتفاصيل الشغل ، بقيت عارف ازاي ممكن تعمل الشغل
بسرعة و من غير تعب .بس زهقت .مفيش حاجة تحفزك تبدع في
الشغل أو حتي تحبه !مفيش جديد غير عكنة مديرك و زميلك
!

و بدأ الملل يتسلل لقبلك , و الروتين يسيطر على جو الشغل فبدأت
تطفش منه ! يا تري كدة العيب في مين : في الادارة و لا فيك

!بص هي مش فارقة كتير النتيجة واحدة ان العلاقة بينك و بين
الشغل بدأت تتحول لعلاقة مادية بحتة ,و ماتت العلاقة الروحية
,مات الحب بينكم و بقت علاقتكم تقليدية روتينية.
لو كانت حالتك بقت مستعصية كدة يبقى لازم فورا تدور علي شغل
جديد، لانك بتقضي في الشغل ٨ ساعات متواصلة علي الاقل،
و غالبا اكثر من الوقت اللي بتقضيه مع عيلتك، فلو سببت الملل و
الروتين و اليأس يسيطر عليك في الشغل ، يبقى انت بتقضي
علي نفسك و بتقضي علي طموحك و قدراتك واحدة واحدة.
طبعاً هتقولني ، أسيب الشغل ازاى ، هو حد لاقى شغل ؟ هارد عليك و
اقولك ، قدم في كل حنة ممكنة و دور علي مكان تحبه و
حاول تدور على شغل فيه يستوعب امكانياتك و طاقاتك و يقدر قدراتك
لو ما لقيتش شغل تاني، يبقى لازم تمارس أي هواية ، تعمل اي حاجة
بتحبها ولو لمدة كام ساعة في الأسبوع لان دة هيجدد روحك
بدل ما تدبل جواك.
صدقني الروح اللي جواك محتاجة انك تراعيها و تجدد لها من وقت
للتاني والا هتبقى زي عمرو دياب، عايش و مش عايش .انت
من غير روحك جسد بيتحرك : ييباكل و يشرب و ينام و بس، انت اهم
من كدة بكتير و روحك هي اللي بتخليك تشوف الدنيا حلوة
او وحشة . روحك هي اللي بتدي طعم لحياتك، كل انجاز بتعمله في
شغلك بيروي روحك و يخليها تنتعش.
ما تخليش شغلك يتحول بس لاكل عيش، خليه دايماً يبقى المتعه
المتعبة ، متعب بس بتحبه و بتنجح فيه و مش عايز تسببه !.متعب
بس بتلاقي روحك فيه و بتفتخر بنفسك وانت بتعمله حتى لو كان
دورك بسيط في المكان اللي بتشتغل فيه __. القيمة الحقيقية لشغلك
مش بس في الفلوس اللي بتقبضها بعد تعب الشهر ، لا القيمة
الحقيقية هي انك بتأدي دورك في الحياة
باستمتاع و احترام و تقدير لذاتك .حب نفسك و متعها ، ما تذلهاش و
تشغلها في السخرة، ربنا ما خلقش روحك عشان تهينها.

ربنا قال انك لازم تتقن عملك، و عمرك ما هتتقن حاجة وانت كارهاها .
صدقني بلاش تبقي عايش و مش عايش، وحاول تعيش
الدنيا بخلوها و مرها، يعني بدل ما روحك تشيخ و تموت جواك و
يفضل الشبح اللي بياكل و يشرب و ينام و يروح الشغل هو
اللي معشش فيها ، لازم تعيش و تحس، و تشتغل و تتعب و تحب
شغلك و تفتخر بنفسك . و افكر دايمًا أن كل نملة ليها مكان في
مجتمع النمل و من غيرها باقي النمل ما يمشيش في الطابور مضبوط .
و فكر هي ممكن النملة تكون بتحب شغلها و بتعمله بالتزام
و انت لا؟؟